

HARVARD COLLEGE LIBRARY
FROM THE
HARVARD-YENCHING
INSTITUTE
SEP 30 1929

3121.81
34

宣化縣志

卷之一	建革志	<small>附街里 建革</small>
卷之二	疆域志	<small>山川志 附形勢 墳墓 封</small>
卷之三	詔命志	<small>上</small>
卷之四	詔命志	<small>下</small>
卷之五	巡幸志	<small>象緯志 災祥志</small>

卷

宣化為古通矣之地擁衛

神系通限沙流澄其庸屹其左

雲中固其者重冥後臨孫

以崇以勞以長域自古為疆

志... 之世及立衛以
... 我望重而
... 向控取
... 立松
... 之實...
... 立松

國家神聖文武卷之五

都外... 長生... 聖聖... 聖聖... 聖聖...

十九國張家... 之... 為

... 孔... 傳... 孫... 庭... 宣

... 子... 聖... 地... 聖

石不集示
解之口繁滿宮井外為一聚而
家室為樂土至家

皇上德養生息存澤若深化以
是孝廉廉也三十又二年始改衛
以之官至郡縣以親生民也來

十有八年功富而教者以

道室風以沙步生聖字之系禮

德之德乃以之後去與家室

焉而家貧物陳矣宮也乎天地

與道大心平之甚用古循心之

況以心而一矣。積累中乃披探
 意中。聖明為之。志隆。以及其僅
 在百聖之內。然而宜之。山川既
 室。戶始。物人物。以及。通。財。或。備。災
 寧。多。似。一。和。之。書。向。邦。之。大。概
 備。焉。支。志。之。也。法。也。勿。也。因。一

大司。法。掌。人。民。之。版。土。地。之。圖。土
 制。後。才。之。屬。以。官。也。在。之。籍。也。以。之
 肉。而。九。物。之。以。厚。川。以。沒。物。產。產。論。似
 世。之。亦。不。之。洋。後。之。中。其。氏。名。能。之

郡國歐之比聖古以同平之正也
名亭而無名者亦與也

皇上之化多派一耐後派在也

出之古名亦孔稼步量是聖上

之史良分氣儒也築也修皇與國

表方與詒和以量一統之甚也

從古以來名也向來以心司

輯為是也之生之厚之核示之

之以故吹去乘運色鴻也

歟且出後之為尹者按國

向以曰一和之大概正氣為
去之匪涉也余在


家首學辛卯陽月按臨宣化
以志崇教考考教之說
與地之廣氣之說政為

以光後也故為之書


時



大清康熙五十年仲冬
音學出古安陽周氏撰
酒瑛氏撰



宣化縣東治



宣化縣西治圖







沿 縣 化






圖 堡 村 西



北村堡圖



凡例

一志者記也漢書有十志凡以記載為義今踵其名
 分類為志非敢僭擬漢書亦歷來邑乘通義也舊
 鎮志及續鎮志皆名為考今亦不必強襲云

一志難憑臆惟恃前有摭拾後有採訪而已宣自葉
 與中馬天祿孫克承諸先生肇修鎮志外近惟胡
 東甌留心文獻著有續志其成卷帙者郡人閭中
 丞持去欲登梨棗未就而失今求得遺稿祇吉光
 片羽耳此摭拾之難慰也至採訪雖勤固陋難免

自知遺漏正多博雅君子藉茲嚆矢以加補緝

一宣自李為石晉割賂始致淪沒然前此聲名文

物實唐虞三代之華風也故建革等志必為遠溯

以此

一邑志準於史例史紀編年所以明國統也茲志于

歷代紀事必書以某朝某帝某年則統制自明凡

歷代大一統俱依史例

一史重表年志亦祖述此體但時日猶多存闕惟象

緯災祥乃天戒所關民命攸繫故月日皆謹書之

一志類多始有明者以近而有據且前此繁不勝書

一法令詳錄本朝者王章赫赫宜信宜從故往代

不必臚陳

一時地事宜每多分註者以根據可攷俾閱者易為

檢尋

一志以備考原為垂法守示鑒戒故每志之末附以

論斷力為發明以存管見高明之士勿以贅旒視

之為幸

一電旱蝗蝻近年常覲宸衷憂慮視昔有加故儲

備有志恩恤有志蓋因乎時重恤乎民瘼特起美
例耳

一世際昇平刁斗弗聞自是邊郵之幸然地隣口外
路處要衝識微慮遠者當必安不忘危故武畧志
三致意焉

一名宦鄉賢斷自輿論之公非敢臆為是非其有遺
漏未登實錄未詳者統俟查補于後云

一記序詩文藝苑之珍亦備徵之具也煌煌大篇固
不可遺卽文移牌示疏引論說苟有關於士習民

風及諸利弊者皆備錄之披覽之餘裨益寧無望
乎

一崇佛害正最傷風化今縱不效唐武宗魏道武等
毀棄淫祠乃若宣城之首座寺城南之清泉寺一

則以佛像裝為交媾一則以權璫侈其建造魏峩
輝煌儼然不朽雖出藏典不堪訓俗乃清泉僻壤

踵舊未除而首座護持互相崇尚續鎮志猶載之
茲為刪芟聊示遏衰之義云高振岳千禧不以公

一志必有圖界封疆也示官守也便觀瞻也經野之

一 治術或可按圖起悟耳

一卷末附以景目亦緒餘必錄高雅君子諒不以爲

濫云

目錄

卷一

建革志

附街里
建革

卷二

疆域志

山川志

附形勢
墳墓

卷三

詔命志

上

卷四

詔命志

下

卷五

巡幸志

象緯志

災祥志

卷六

恩恤志

附撫賞

賑孤貧 運

卷七

城堡志

附橋梁 堤堰

卷八

營建志

附古蹟

卷九

賦役志

附諸稅

卷十

俸廩志

附歲給 工料

卷十一

儲備志

附社倉條約 朱子社倉記

卷十二

學校志

附社學 訓飭士子文

臥碑文

卷十三

祠祀志

卷十四志

物產志

卷十五志

風俗志

附續習
土音

卷十六

法令志

卷十七

武畧志

卷十八

秩官志

上

卷十九志

秩官志

下

卷二十志

選舉志

上

卷二十一志

選舉志

下

卷二十二

名宦志

卷二十三

鄉賢志

卷二十四

人物志

卷二十五

人物志

卷二十六

藝文志

卷二十七

藝文志

卷二十八

藝文志

卷二十九

藝文志

卷三十

藝文志

藝文志

卷之十

藝文志

卷之十一

藝文志

卷之十二

藝文志

宣化縣志卷之一

建革志 宣化縣知縣楚黃陳古坦修

宣郡十州縣為神京之右臂而宣化一縣又為

商諸州縣之中心如戶之有樞車之有軸其旋轉

制關於全府繫云重矣矧防禦邊垣尤號極衝自

夏古帝王代為經理或置州置郡置軍置縣置衛因

夷革不一而國統之離合治化之污隆亦隨時有異

若弗溯源竟委後將考鏡無由為作建革志

建革志



唐帝使禹分九州一曰冀州是時宣化地屬冀

虞帝肇十有二州一曰幽州置牧是時宣化地屬幽

夏王禹執玉帛者萬國乃復為九州是時宣化地屬

冀關於全珠彙云重矣朕司禦民大器

商王湯當夏之衰諸侯兼并湯既受命亦為九州是

時宣化地仍屬冀縣志云古晉而宣化一縣又為

周武王分九畿 成王復九州是時宣化地屬幽

赧王時燕置上谷郡築長城以制蒙古是時宣化

屬上谷

秦始皇二十六年分天下為三十六郡其一上谷置

守尉監是時宣化仍屬上谷

漢高帝五年分上谷郡地為涿郡各置郡守其關南

曰涿北曰上谷是時宣化仍屬上谷 武帝元封

元年分天下為十三州部更郡守為太守其屬縣

治以令是時宣化屬幽州部

其幽州所設有離營縣即今宣化北境有

下落縣即 獻帝時以蒙古大擾吏民流散省

幽并為冀是時宣化地屬冀

魏文帝經畧邊土更分幽并是時宣化仍屬幽

晉武帝分郡地置廣寧郡其郡守加將軍是時宣化

屬廣寧時宣化仍各下落縣愍帝時石勒襲幽州刺史王

浚殺之以尚書劉翰行幽州刺史事置諸守令及

還翰乃以郡歸段匹磾成帝時後趙石勒破匹

磾郡降趙穆帝時燕慕容儁被趙幽州帝奕

時秦苻堅伐燕滅之郡降秦孝武時秦慕容垂

叛自號後燕郡降燕迨魏王珪攻燕上谷廣寧二

郡降魏魏置大都督府領軍戎按宣化之淪沒始於外番而外番之

蹂躪始于石勒歷後趙慕容苻秦後燕拓拔魏其竊據遂以難遏云

宋順帝時魏令上谷廣寧為東燕州置三刺史改其

縣下落曰文德治以令文德即宣化也

陳武帝時北齊改東燕州為北燕州

隋文帝省北燕州以諸縣屬涿郡是時宣名文德縣亦屬涿郡

唐高祖改郡稱州太守稱刺史時高開道以突厥入

寇劉世讓保武州武州即漢下落宋文德地明正統間葛峪人穴地得遺碣謂為

武州即今之宣化也元宗時罷刺史置守其武州仍領縣

文德武宗時置山北八軍武州曰雄武軍五昭

宗時李光籌篡燕李克用破之取武及新媯儒四

州表劉仁恭為節度使昭宣帝時契丹入寇武及新媯儒等州以次陷沒改武為歸化州晉王存勗命李嗣源取復之

後唐潞王時河東節度使石敬瑭割山後諸州賂契

丹宣化地亦在焉○自是歷宋至元宣化淪沒凡四百三十二年

宋太祖命防禦使馬仁瑀畧山後地未獲徽宗四

年金陷契丹舊武州因尋盟以其地歸宋宋築固

疆堡守之六年復陷於金孝宗時金改歸化州

為宣化州領縣宣德即今宣化也寧宗時元陷宣德

改宣寧州置山東路總管府理宗時元陞撫州

撫州今萬全右衛金以柔遠縣陞為撫州為隆興府割宣德等縣屬名

興和路置宣慰司景定四年元陞宣寧州為宣德

府隸上都路罷總管府

元仁宗時割上都之宣德府及所屬州縣隸大都路

泰定帝以宣德府復隸上都路留守司順帝

以地震改宣德府為順寧府

明洪武三年命湯和取宣德因徙其民如居庸諸郡

縣廢特遣將卒番守之名宣德曰宣府因宣德府舊名稱之

實非府也 二十六年置宣府前左右三衛于宣德領以

指揮使隸北平都指揮使司 衛置使同僉經歷鎮撫五千戶所皆抽內

地餘丁實之其宣之左衛以晉府 永樂七年置

鎮守總兵官佩鎮朔將軍印駐鎮城 自是始稱宣府鎮總兵用

公侯伯都督等官 十六年革北平都指揮使司諸衛所

隸京師二十年棄興和徙其守禦所附宣府 先

二年置有興和守禦所千戶時新寧伯譚忠鎮守

之適忠出獵守備王煥郊迎中酒北部阿魯台領

衆掩至縛煥脅煥從卒乘昏呼門門者納之城遂

陷被殺棄地二百里是歲文皇親征阿魯台及還

嘗曰滅此惟守開平興和大寧遼東甘肅寧夏則

邊境無虞蓋重興和而宣府特為內防今境守宜

府其興和雖有旗人不設守禦人約中外一家

故然然宜之興和與開平等地實宜設衛也

宣德時命監察御史巡按 時因宣鎮屬直隸 正

統三年置巡撫都御史 天順元年罷巡撫都御

史置戶部督餉郎中二年復置巡撫 成化三年

置遊擊將軍 宏治五年置分巡按察僉事崑除

給勅列銜山西 嘉靖十八年置分守布政司叅

議 蔣分巡 萬歷元年置太僕寺少卿督理屯牧

因蔚為適中 十一年置清軍理刑同知 天啓四

地故駐蔚州 年改置理刑推官 革清軍同知之名 崇禎八年以上下

西南三路屬分守道十七年三月十三日流寇李

自成陷宣府巡撫朱之馮及司學生姚時中死之

自成據宣府偽置口北道與縣令武職置有偽權

將軍偽制將軍偽果毅偽掌旅諸名日在宣索粟

金銀珠寶縉紳荼毒殆盡夏五月有里居原任副

總兵王應暉原任團練總兵殉難楊國柱之弟楊

或誅一秉成于陽居原任巡撫李鑑憤起討賊未

幾平定燕都傳檄至宣文武官紳及軍民等賚冊歸

附尋命李鑑為巡撫王應暉為鎮守總兵官程紹

孔擢分守口北金事而巡按御史監儲戶部亦先

後俱至矣

皇清世祖章皇帝二十二年裁宣府理刑推官 四年

復置理刑推官 八年裁宣府巡撫 併于宣大

九年併宣大糧儲戶部分司為一員 初年宣大

十年裁併衛所官 初併附郭前左右三衛及興和

一員千總一員經歷一員其營屯巡捕俱 十一

革至是又併後衛于前衛裁千總經歷 年裁分巡口北道

十二年裁糧儲戶部分司 係宣府者併分

守口北道兼理 十五年命直隸監察御史來

按 十八年永 停此差 今上康熙元年裁宣府理刑推官

隸山西等 旨仍隸畿內 四年諭令宣鎮

前衛是年 八年命關內昌平石匣等路官軍歸
裁兵備衛

宣鎮總兵管轄 二十七年臺臣條奏衛所歸併

州縣部覆仍舊存留 兵部等衙門題為懇察衛所

題前事奉 旨該部知道欽此該臣等會議得先

經山西道監察御史陳紫芝條奏疏稱各省衛所

歸併州縣等因臣等會議將應否裁留便民之處

行令各省督撫確查具題到日再議去後今據直

撫于成龍疏稱宣府前衛與萬全左右懷安開龍

懷保永寧等衛俱無附近州縣可併蔚州衛廣昌

城雖與蔚州廣昌縣同城而州縣屬晉省未便更

張應如所題存留奉 旨依議宣府前衛鄉老

等呈為邊衛無可歸併乞 天准依山陝之例仍

留便民事竊照宣鎮僻處關外緊與山西大同接

壤俱係極邊且東北有獨石口西北有張家口蒙

古往來所必經實乃 國家北門尤屬要地所以

四十年來裁永寧縣僅存延保二州至於附郭

衛與左衛懷安蔚州等衛則照舊設官者原因地

曠人稀工匠之役春來秋去各有原籍糧差土著

之人零處散村不堪編為里甲然而錢糧未嘗難
征地畝未嘗難核逃盜未嘗難清者是皆廳衛相
維軍民相安之成效也伏乞俯鑒下情查照撫院
憲行應裁應留如何便民之處逐一確查妥議務
協輿情將所屬各衛照山陝例仍留便民在詳院
復部以安邊氓以固疆圉為此云云 前衛掌印
守備張釗查看得宣府原與山西大同之天城繁
相搭界俱係邊衛我 朝仍留衛治不設縣者誠
以地曠人稀兵丁與流寓十有六七而土著人民
無多且居趾零星又相距濶遠求足十甲之數以
成一里之規不可得也即如前衛每戶所納地糧
多不過成石數斗每丁之銀多不過三二錢止民
便于自納官易于徵收其來久矣地有五十畝為
一分者屯田等地是也有歷年告開荒田多寡不
等者謂之餘地所以邊方賦役全書與易知由單

較之天下郡縣最為簡易者糧無詭寄地各有主也至於逃盜間亦有之隨即申報本非縣衛錯處之地無可推諉之處然此猶就附郭而言也其外九衛地方廣狹雖異要不過與四十一城堡之守備把總畫界而守皆有錢糧地畝逃盜之責誰其以自已功名代為他人受過此士民所以有廳衛相維軍民相安請照山陝之例仍留衛便民之控也卑職十餘年輓運勞弁得此衝疲之地密爾張家口日逐非蒙古往來即番回經過有遺失物件便至衛衙勒索且支應過往喇嘛大人日無暇晷豈不欲離此苦海聽裁別補但仰體憲行便民德意務協輿情不得不代為轉請應否裁留云云

三十一年直撫郭世隆題請改宣府等衛為府縣

其廳衛等衙門俱裁康熙三十年十一月十八日

制設有十衛外設廳官六員總轄錢糧因地方遼濶復用營守備二十員把總七員協收錢糧驛站

錢糧事務亦係把總管理文武殊途以營弁而

民事諸務掣肘且佐貳武弁例不准民詞凡人命

盜案戶婚田土正印官批發始准審理行查文移

往返需日應將營各弁及六廳裁去將宣府所屬

除延慶保安二州外改設一府八縣七驛俱設文

官管理似與地方有益奉旨宣府改為郡縣則

文武職掌明晰可具條奏直撫因檄口北道董及

在城府崔查宣府改設郡縣之處地制民俗應改

設官員若干錢糧作何徵收官役俸工作何支動

地方遠近作何歸併務須便官便民得以永遵並

題部覆云衛制年久應無容議三十一年內直撫據詳具

奉旨九卿詹事科道會同確議具奏欽此查直

撫郭疏稱宣府向設十衛六廳并營弁分理錢

糧驛務然廳員限于佐貳營衛皆屬武弁于以

民所用非其所長亦且政多扞格各衛既無清運

屯田之責以武弁而膺民社似與官制未協宜裁

六廳十衛改設一府八縣庶文武均有職守軍民

建革志

知所適從等語應如所題除口北道保安延慶二
 州知州照舊存留外將宣府改為府治設知府一
 員統轄保延二州新設八縣同知一員駐劄保安
 衛分轄宣府以東二州四縣倉糧捕務設通判一
 員駐劄東城分轄西路四縣倉糧捕務再設教授
 一員經歷一員司獄一員各佐其事
 府改為一縣設知縣典史教諭各一員以附近之
 在城廳所屬及宣府驛深井堡三處歸併萬全右
 衛改為一縣設知縣典史教諭各一員以附近西
 路廳所屬及張家口堡磨房堡新河口堡洗馬林
 堡五處歸併懷安衛改為一縣設知縣典史教諭
 各一員以附近之萬全右衛柴溝堡西陽河堡三
 處歸併西城改為一縣設知縣典史教諭各一員
 以附近之南路廳所屬及東城二處歸併蔚州衛
 改為一縣設知縣典史教諭各一員以附近之桃
 花堡及稍近之廣昌城二處歸併懷來衛改為一
 縣設知縣典史教諭各一員以附近之東路廳所
 屬保安衛懷來城土木堡榆林堡五處歸併赤城

改為一縣設知縣典史教諭各一員以附近之
 北路廳所屬及開平衛龍門所滴水崖雲州堡
 安堡馬營鎮寧堡八處歸併龍門衛改為一縣設
 知縣典史教諭各一員以附近之葛峪堡趙川堡
 鵬鶚堡長安嶺四處歸併其永寧衛靖安堡周四
 溝四海冶四處地方無多錢糧甚少應歸併附近
 之延慶州管理又稱同城之驛令知縣帶管其不
 同城之驛應各設驛丞一員惟張家獨石二口建
 有新厥應設縣丞一員管糧驛事務廣昌城離
 州遠隔重山應設巡檢一員就近徵收稽查迺
 其各官俸役工食留支歲辦俱照經制額設支
 改設各官衙舍俱有各官舊署無容議建一應
 丁錢糧米豆仍照舊徵收等語均應如所題其
 設同知二員通判四員衛守備十員衛教授六員
 均應裁去該撫給文赴部另補又稱管糧驛營
 備把總四十一員各商鎮臣量為去留再行題
 等語應候該撫具題到日兵部議覆又稱宣屬
 設軍驛一十八處自居庸張家獨石二口俱係

衢沿途榆林等一十二驛夫馬仍照舊應留外改
 為驛丞經管惟東城西城深井堡蔚州衛趙川
 龍門等六驛地處偏僻差事無多原設驛馬軍夫
 均應裁去量留遞馬四匹馬夫二名以備遞送以
 上約計裁去俸銀馬折等銀合之新設俸食各項
 等銀均屬相等此外仍裁省米豆共八千餘石等
 語亦應如該撫所題其裁省米豆備造清冊咨報
 戶部查核再查該撫疏稱同城之驛令知縣帶管
 其不同城之驛設立驛丞七員榆林等一十二驛
 改為驛丞經管等語其何驛同城何驛不同城何
 驛令何處驛丞經管此所設驛丞七員張家獨石
 二口所設縣丞各一員應屬何縣之處疏內俱未
 聲明其改設府縣驛名應給印信條記亦未擬定
 字樣候命下之日移咨該撫逐一查明定擬具
 題到日將改設員缺吏部照例銓選應給各官印
 信條記禮部鑄給可也康熙三十二年三月十六
 日奉
 旨依議

三十二年三月內奉 旨改前衛為一縣設知府

典史教諭各一員以附近之在城廳所屬及宣

驛深井堡三處歸併其口北道仍舊外設知府一
 員駐本城同知一員駐保安

衛通判一員駐東城 本年 月內又以宣化 同城驛知縣

管理雞鳴驛不同城設驛丞一員

三十二年七月內奉 旨允裁宣化 驛把總深井

堡守備其雞鳴深井二堡把總仍留 康熙三十

撫郭疏稱咨商宣化鎮許將管糧驛 營守備把

四十一員量為去留今准咨稱查得 宣化府驛
 總專管驛遞今糧驛既歸知縣把總 相應裁去
 鳴驛把總雖改設驛丞所管汛地通 京大路過

絡繹應留巡防護送深井堡管糧驛守備把總二
 員今糧驛歸隸文職所管汎地有十
 八盤大黑溝
 新開道等數十餘處應留把總帶領
 制設兵馬巡
 防其守備似可裁去但查萬全右衛
 城裁衛為
 全縣錢糧民務知縣職掌其城垣門
 禁邊墻墩
 及汎地防禦應請添設守備一員即
 以深井堡
 守備調補其張家口守備把總應留
 守汎左衛
 安二城通衢孔道東接宣化府西連
 大同殺虎
 口各設營衛存把總巡緝防範廣昌
 城守備錢
 歸隸巡檢該城守兵僅八十名所管
 汎地接壤
 荆倒馬等關并山西靈丘縣村庄最
 屬叢雜應
 防範懷來城守備管轄地方接壤真
 定馬水等
 皆山險崎嶇雖糧歸文職應存守備
 巡防稽查
 木堡把總驛遞既歸驛丞所管汎地
 乃大路通
 過往繁多應存把總巡防護送永寧
 路榆林驛
 總今驛遞歸與驛丞所管汎地通衢
 大路過往
 多應留把總巡防護送四海冶周四
 溝靖安堡
 備各代徵些少錢糧今歸併延慶州
 各有專汎

垣之責均當存留獨石路滴水崖龍
 門所赤城
 州鎮安堡馬營鎮寧獨石驛守備把
 總糧驛雖歸
 知縣縣丞驛丞查獨石衝口各有專
 汎邊隘看守
 湯泉之責似無容議去惟雲州堡汎
 地通衢存留
 守備巡防其把總既無驛站差使似
 應議裁龍門
 路葛峪堡趙川堡長安嶺賜鶚堡龍
 門驛各守備
 把總糧驛雖歸文職各有邊垣專汎
 其守備把總
 均應存留惟長安嶺把總既無驛站
 差使似可議
 裁等因到職該職看得宣化府屬向
 設有管糧驛
 營守備把總四十一員今蒙 俞允
 改設郡縣糧
 驛事務應歸文職管理但地係巖疆
 各弁應否去
 留部覆令職咨商鎮臣具題茲查宣
 化東城西城
 雲州長安等五驛把總應去并深井
 堡守備應裁
 仍請添設于萬全縣外其張家口堡
 膳房堡新河
 口堡洗馬林堡柴溝堡西陽河堡東
 城廣昌城周
 四溝堡靖安堡四海冶堡懷來城雲
 州堡赤城堡
 鎮安龍門所滴水崖葛峪長安嶺等
 處守備求九
 貫又深井堡驛雞鳴驛張家口驛懷
 安驛蔚州驛

桃花堡榆林堡驛土木堡驛獨石驛赤城堡驛馬營堡鎮寧堡龍門驛趙川堡驛鵬鶚堡驛等處把總十六員俱應存留各司營務職謹會同宣化鎮臣許合詞具題伏乞 勅部議覆施行再照此案于康熙三十二年二月二十五日准到部咨扣至本年六月二十五日限滿計逾限二十五日合併聲明為此除具題外理合具揭須至揭帖者

附縣城內街里建革

北門西順城街又東至李鎮撫街南至朝元觀觀音寺馬神廟後皆係宣府左衛地方其內街巷房屋多有春獸半屬故明左衛指揮千百戶所居在啓禎時尚有門樓或一進房屋迨至己巳辛巳饑荒世祿闕給世官遂有行乞其屋多毀後漸更為圍畦其民居多係康熙年間蓋造左衛之西關帝廟北至觀音堂西至關王廟南至草場後街養濟院之東為李百戶東為張千戶又東為趙百戶又

東為詹千戶之屋皆於順治初年折賣更圍畦自
草場墻東至首座寺西西及北皆係房屋多經拆
毀為畦其民屋猶有存者

草場西北自五嶽禪林南至玉皇閣其東西街皆
舖店房屋此街原名菜市凡人家屋後所種蔬菜
皆來此發賣以菜傭不便進入人家也明崇禎二
年饑荒多致拆毀復于十三年庚辰饑荒遂盡毀
為圍

五嶽禪林北至十方院西至子孫廟又西至西城

墻南至西倉後其東西前後多有宜府右衛世
住居亦因崇禎己巳庚辰兩次饑荒人民流離官
軍東去大半未回其遺屋塌毀宗親變賣皆成圍

畦

草場前街自書院東街槐櫳一帶圍畦舊屬附郭
右衛地方亦多故明世職與軍民房屋皆因己巳

庚辰兩次饑荒又于順治己亥抽兵駐防京口挈
家而往雖不盡係此街住居之兵而此街為附近
軍衙軍居較多遂將所居拆賣悉成圍畦

北門順城之東除官草場及審外其南與西舊係附郭右衛地方亦皆房屋內有故明世官戶絕及軍丁死亡無人其老婦寡妻悉行拆賣更爲園畦今城北之榆柳錯置綠陌青疇雖若無糧之地而實皆舊日房基也

論曰宣在唐虞三代及秦漢時其金甌無恙遐哉尚已迨後代有割據蹂躪駸駸雖故明馭宇號稱全盛乃初武遷徙民居後多紛更官守終明之世祇爲衛所其禮義教化究殊畿內雖至我

朝始爲郡縣其地里甲其人與中原樂土遠邇一轍民生其間始復覩唐虞三代之盛哉

又曰攷昔鎮城人煙輻輳雖僻街小巷亦似通衢蓋駐防官軍不下二萬而附郭前左右三衛興和一所之指揮千百戶鎮撫又八百餘員合計官軍戶口殆三萬有奇于是官有第宅軍有房屋又紳衿商民與四方工役雜處其中氣象鬱蔥真名區也迨明啓禎而後饑饉師旅前後頻仍其滿城瓦礫

聖恩良可哀憫今幸

聖朝鼎革蒙古臣服宣府僅作內防其官軍亦就裁減
 而里宅寥落猶多荒原蔓草官斯土者撫循鞠育
 俾復曩時殷盛之舊則元氣內固邊陲外寧是乃
 綢繆之至計也矣

宣化縣志卷之二

疆域志 縣會寧訊二千四百里

宋上古建邦設都區各有分厥後廢封建置郡縣彼
 疆此界尺寸森然蓋丁糧關於國課雖曠土閒田
 晉必問何守斥埃關於武衛則申畫慎固各有所司
 畝况村落稽其旱澇道里均其驛遞所繫匪輕則幅
 宋幘無可紊也為作疆域志

唐虞夏商周秦宣化皆其州郡屬地界與治處道里皆無確據

漢武帝時幽州部設有雒督縣即今宣化北境有下

落縣即今宣化地城在今城之東其界與部治處道里亦無確據

晉廣寧郡治下落至晉都洛陽三千二十里

宋時魏攻下落為文德陳隋因之其界與至州郡處道里亦無確據

唐武州治文德至河北道一千五百里

晉時契丹歸化州治文德至臨潢一千七百里至晉

都晉陽一千餘里

宋時金改歸化為宣化州領縣宣德即今宣化地至

金上都會寧府二千四百里

元宣德後改為宣寧州至大都三百五十里至上都

七百里

明萬全都指揮使司治元宣德稱宣府其城所屬東

距雞鳴山西距洋河南距深井北距東望

山前左右三至北京三百五十里南京三千八

百五十里

皇清世祖章皇帝順治初年萬全都司仍明舊制

八年裁巡撫歸併總督其總督駐陽和都司治至陽

和二百四十里

十六年裁宣大總督宣鎮歸併直隸巡撫統轄其巡

撫駐劄保定府宣鎮至保定七百里

今上康熙七年裁併都司于附郭之前衛仍治宣府

十年併前左右三衛及興和所為前後二衛又併後

衛於前衛仍治宣府

宣府在城廳所屬 東距雞鳴山 西距洋河

南距東城東界 北距東望山 按前志鎮城南距深井以深井伊時

屬南路也今屬宣府在城廳故更南距東城東界

三十二年允直撫郭世隆題改宣府前衛為宣化縣

縣治仍前衛舊署

宣化縣東北大楊家營與龍門縣關底交界距城

八十里 正東小定州營與懷來縣達子營交界

距城一百五十里 東南趙家棚與懷來縣保安

州牛角窰交界距城二百二十里 正南牛家窰

與懷來縣跔家庄交界距城八十里 西南三兌庄

與西寧縣馬圈子交界距城一百一十五里 正

西膠泥灣與懷安縣太平寨交界距城三十五里

西北高家屯與萬全縣營房里交界距城五十

五里 正北東曠與龍門縣之常峪青邊交界距

城四十里

其縣仍直隸巡撫其至保定與至京師道里見前

論曰明疆域所以寄官守而宜以衝要更有宜清者

蓋獨石雖稱繁劇張家口殺虎口之往來絡繹較

獨石百倍故宣之驛則上下奔馳驛遞則四面交

互迎送則日夜供億而防禦則文武交警良以廣

袤濶遼縣為諸邑之首地居諸邑之中即寢食都

廢尚虞隕越也矧近例于雨雹蝗蝻命盜逃案稽

查至重縣令日躬履村畝周環數百里痛切痲痺

不憚寒暑若幅隕不清責寄何人官斯土者揆文

奮武或張或弛兼以按地查省撫循尤亟則疆域

清而保茲疆域者難云瘁矣

山川志

宣邑崇岡峻嶺蔽日遮雲疑若有妨地畝其襟帶

諸水流淺浸微又于滋潤百昌效靈無幾非若名

燕山大川有關封濟之典然屏蔽中華阻隘險要者

恃此山宣蘇土膏灌溉羣生者恃此水豈體國經

野而紀載弗詳乎為作山川志

天德山

在城西北三十里落日晚照霞彩爛然

東望山

在城北三十五里

西望山

在城北三十五里上有遼國西望山舍利之碑

湯池山

在城東六十里溫泉出焉

燕然山

城東南三十里相傳為竇憲紀功處山有蒼翠岩雨霽嵐氣青翠可愛

馬鞍山

城東七里

八寶山

城東六十里

黑山

城東四十里土石多黑

黃羊山

在城東南三十里雲陰晴實無黃羊也發則雨居民視此以候

雞鳴山

在城東五十里相傳代王夫人磨笄自殺國祠上一統志曰唐太宗

北伐至山聞雞鳴因名今考磨笄山在蔚州則此山之名應以一統志為是

黑寨山

在城東四十里

寶峯山

在城東南八十里

斷雲嶺

即今沙嶺在城西北二十里上有陰雲籠伏如阻斷然

鷓兒嶺

在城東南三十里即古藥兒嶺唐李可舉破李克用兵于此

分水嶺

在城十里

烟洞山

在城北一十里

娘娘廟山

在城南十里

十八盤山

在城南八十里

線廣洞

在城南六十里

石峯洞

在城北六里

聖音洞

在城北五里

四角洞

在城西北四十里

龍洞

在城西南六十里

新開坡

在城南五十里

蕎麥川

在城一百八十里

洋河

在城南五里源出口外至此東流入桑乾河水冬月盡冰惟對城一泓融液不凍臘八日洗馬不災郡人楊百之侍御別號湯泉故宣化諸景有湯泉浴馬之目

泥河

在城東十五里自關子口西南流四里與洋河合

清水河

在城西二里南流七里與洋河合

鍬底湯

在城東六十里冬夏水溫望之熱氤氳疾者浴之立愈

龍潭

在白廟堡東北七里許

東深溝

變

西深溝

二溝在城東二十里

深井

在城西南六十里深不見底因名

海子

在深井堡正南水無泉出皆合川雨集滙會中深數丈周圍可十數里許冬夏不涸亦巨浸也

形勢

唐河東節度使王忠嗣以安祿山治扼塞告變

按安祿山以范陽為巢穴時欲叛唐將西犯長安恐河東兵搗其巢穴因城雄武扼飛狐寨忠嗣預測其機故告變焉夫飛狐即今廣昌之黑石嶺南通紫荊倒馬西入大同雄武乃唐武宗置山後八軍以武州為雄武軍即今宣化地也因大同天城由左衛來或大同從西寧來皆經宣化入居庸與黑石嶺同為衝要

宋太宗論控扼山後險固

按山後重地自石敬瑭敗契丹宋太宗銳意恢復嘗乘破漢餘威數道深入其勅諸將曰潘美但趨雲朔曹彬米信以大眾聲言取幽州緩行持重不得貪利敵必悉眾救范陽不暇援山後矣此實得進取山後之法後彬輕進敗績山後淪沒垂四百餘年中原右臂形勢長虧惜哉

歐陽修論控禦契丹

五代史云幽州西北有居庸關又西北有石門關皆中國控禦契丹之險也按宣之通京師者有居庸關而居庸之路必由雞鳴故控禦之法宣地宜謹也

明兵部尚書馬文昇備邊要地疏

畧曰蒙古山雁門三關則掠我太原由紫荊則掠我保定由白羊則入近京師故三者備蒙古要地也孫太史世芳云雁門三關警急當責之大同紫荊白羊警急當責之宣府

都御史周綱急備要疏

畧曰寶峯川通宣府要路三十八盤分水嶺蕎麥川三者最急孫太史云此據鎮城南路言之

兵部尚書王瓊備邊事宜疏

畧曰宣府至居庸止二程去蒙古邊垣百里而已故其警急京師即當為備孫太史云威寧有警則宣鎮當備宣鎮有警則京師當備應援之策不可不講也

都御史許論防守要害論

畧曰宣府山川糾紛地陰而狹分屯建將倍于他鎮是以氣勢完固號稱易守然去京師不四百里鎖鑰所寄要害可知

兵部尚書翁萬達擇要併守議

畧曰宣府大同外連極塞以捍蔽乎內山西保定內峙諸關而藉庇于外故四鎮均重而宣大急焉宣大宜以戰為守擇要而屯兵諸關宜以守代戰書地而聯戍又曰蒙古入陽和則白登村為屯兵之所是以南邊順聖之驅西援天城之急又萬全左懷安衛屯兵則蒙古不收東而大同鎮兵自西

出塞邀擊之亦一奇也又曰宣府西路沈馬林洋河者兩鎮接壤也地不可棄兵必有援脩宣府疆域而置大同戍卒于絕地不恤大同也便大同應援而置宣府西陽河於境外不恤宣府也是故居常戍不備罪大同有警而宣府西路不以兵至垣下應援者罪宣府

一統志宣鎮形勢論

萬全都司前望京都後控沙漠左扼居庸之險右擁雲中之固

鎮舊志形勢論

全鎮飛狐紫荆控其南長城獨石枕其北居庸屹險于左雲中結固于右羣山疊嶂盤踞峙列足以拱衛京師而彈壓蒙古誠北邊重鎮也鎮城羣山環拱于東北洋河縈繞于西南居東西道里之中實一鎮要會之地也

宣府鎮城形勢論

本城據鎮上游稱都會之地重兵屯聚頗足彈壓

附封爵

北齊下落縣侯韶武威王長子與爾朱兆戰兆軍潰

攻劉誕於鄴及韓陵之戰韶督所部先鋒陷陣尋

從高祖出晉陽追爾朱兆于赤嶺平之以軍功

封

攻上谷地甚遼濶北齊以前所封之爵概稱上谷或廣寧非必果在宣邑未可據入若北齊之下洛侯則宣邑舊名故特自北齊此侯始

唐北燕王靈夔宗室子貞觀十一年以幽州都督有

功封武郡王佩盛宣王琦子元宗孫廣德元年封

宋契丹國歸化郡王完顏合住為鎮國節度使系出

元祖簡獻皇帝左大相迭刺孫也以宗族封

元宣德王不答失里元宗族皇慶二年封

宣寧郡王帖木兒不花至大四年以戰功封

宣寧郡王阿憐帖木兒元宗族至順元年封

明谷王穗高帝第十九子洪武二十五年封三十二

年靖難兵克懷來宣府大震王遁歸京師及成祖

定鼎北都以宣為畿內重地遂遷國于長沙
 王天瑞字君毓萬全都司人也祖朝宋祖妣葛氏萬
 歷六年選宋次女為才人九年誕皇長子晉恭妃
 時宋先卒官其子長道亨錦衣僉事次道化亦授
 錦衣千戶二十九年立妃子為皇太子嗣位是為
 泰昌時妃薨追尊為孝靖溫懿敬讓貞恭叅天毓
 聖皇太后道亨亦歿子天瑞襲爵晉秩後軍都督
 加太師封永寧侯仍賜第末寧在宣東路
 墳墓

元宣撫使劉敏墓

明保國公朱永墓

榮昌伯陳玉墓

右都督白玉張俊墓

死忠都督周賢墓

都督僉事劉淮江桓張鎮墓

大同副總姚信墓

叅將孫成張璽陳雄高鉞李稽陳勳楊玉墓

遊擊將軍陳廣靳英余鎮董賜墓

彰武伯楊信墓

左都督周玉墓

都督卻永墓

副總兵周宗魯墓

寧夏副總楊英墓

都御史王質熊偉墓 給事葛鳴墓

御史李經楊百之張濂墓

苑馬寺卿王敏墓 郎中崔璽墓

按察副史張鏜墓 翰林孫世芳墓

兵科張廷槐墓 御史王致祥景昇墓

兵科胡載道墓 總兵江烜墓

都督李延恩墓 都督盧居智墓

都督梁秀墓 都督黑雲龍墓

都督董一元墓 總兵郭增耀墓

都督王尚忠墓 總兵馬士麟墓

都督黃明臣墓 總兵解一清墓

都督韋子宣墓 都督姚國忠墓

總兵劉三省墓 總兵張國柱墓

都督姚世卿墓 總兵朱國梁墓

總兵馬似麟墓 總兵馬孔英墓

總兵倪寵墓 殉難總兵滿桂墓

都督金國鳳墓

皇清叅議王天鑑墓

郎中雷湛墓

知府馬正午墓

提督田雄墓

翰林姚文光墓

巡撫閻興魁墓

附明卧馬塚

懷來王大卿墓

按公懷來都憲王公實之父相地于鎮城西北十餘里將歸卜之公

馬跪卧旋繞若為啓公者遂定葬于此正德初王陽明謫貴陽時有記

附漏澤

城東大路諸處

城北大路東側

立有義塚石

城西大路諸處

城東關外諸處

論曰孫太史舊鎮志論宣之山脉西自恒嶽發綿亘

而東由石門至傍水峪是鎮之前屏東自開平檀

帽山發縣亘而西由馬鞍至野狐嶺是鎮之後屏

夫概言前後而燕然黃羊天德東望西望等山為

宣邑之前後屏已在其中又云水自西北境外發

由柴溝繞鎮城者曰洋是鎮之右界即宣邑之右

界若泥河以源短流淺不復齒為左界然予嘗親

閱龍門關下白陽白廟關子口諸泉騰沸出泥河

口以達洋河地凡數十里為宣邑左界脉絡分明

宣化縣志卷之三
孫太史以總論宣鎮故畧泥河其實宣邑帶水左
右互來其交會有情亦與山之前後兩屏從左右
交互有情同余嘗以十州縣爲京師之右臂而宣
之一邑又爲各州縣之中心者職茲故耳至于山
川環繞具有形勢山川帶礪錫以封爵皆萬年鞏
固之資撫有山川者如更恃德不恃險則久安長
治何難與流峙並永哉

宣化縣志卷之三

詔命志

上

國家宣揚德意曉諭臣民及夫冊封誥勅宸謨令
甲必頒之邦國以示信從况邊方僻壤視聞阻隘
其遠猷宸告尤示警無遺茲特彙自明時舉凡切
于宣境堪垂簡策者次第登收俾後之覽者共遵
夫君無反汗永寶綸音之意爲作詔命志

賜元臣擴廓帖木兒詔

時擴廓帖木兒以元主命寇保安意圖恢復因詔論之畧曰朕自起兵淮右收攬羣雄平定華夏惟西北邊備未脩蓋以擴廓帖木兒猶守孤忠保其餘衆居於沙漠以為邊患朕甚憫之茲用特與寬宥

頒平定幽朔詔

畧云朕睠惟幽朔實元氏本根命將北伐列郡皆順已於洪武元年八月二日尅取燕城元君遠遁捷音來奏殊副朕懷今改燕城為北平府命官屯守其朔方百姓及蒙古色日人民並仰各安生理

趣時耕作所司常加存恤云云

三年頒應昌俘獲詔

畧曰左副將軍李文忠等遣使來奏五月十六日領兵至沙漠於應昌府獲元君之孫買的里八剌及其后妃並寶冊等知庚中之君已因痢疾歿于應昌其封買的里八剌為崇禮侯眷屬及母后等同居用存故元祭祀其迤北各枝諸王各當依職來朝或遣使歸順即與換給印信還領所部本居地方羊馬孳物從便牧養

四年賜故元遺臣璽書

元臣驢兒有衆萬餘數窺伺塞外至是入居宣德府之常峪太祖以璽書諭其來歸

三十一年文皇帝慎出邊塞璽書

成祖巡邊每以輕騎出開平數百里上聞遣使齎勅諭止之

文皇帝永樂七年賜右都督章安鎮守勅諭

勅諭後軍都督府右都督章安今特命爾掛鎮朔將軍印克總兵官鎮守宜府地方整飭兵備仍督屯田糧草遇有賊寇相機戰守軍前有犯許以軍法從事其有管軍頭目科剋下人私役耕種等弊輕則量情懲治重則送彼處問刑衙門問理應奏請者奏請定奪都指揮以下俱聽節制此為設置總兵之始勅諭中事

八年駕征本雅失理班師詔

畧曰朕承大統撫治寰區志在安民惟懷不及獨此殘孽騁克梗化屢使撫循輒見拘殺往者邊將倫其部屬念其各有父母妻子盡釋還鄉遣使送之復殺信使積慝恣虐怨懟神人遂親領六軍往

征之五月十三日師至幹灘河遇本雅失理來戰即摧敗之未雅奔命不暇以七騎奔遁獲馬駝牛羊牲口無算其餘款附者相繼而至遂撫安之給其羊馬糧廩令各安生業乃封于山川振旅班師云云

十二年駕征瓦剌班師詔

詔曰瓦剌黠頑僻處窮荒與其醜類歲相讐殺敗亡喪歿存者無幾朕卽位之初撫摩存恤授以封爵數年以來辜德負恩背違信義擅自弑立執殺使臣侵擾邊境朕不得已躬領六軍討之師至撒里怯兒之地北兵迎戰一鼓敗之追至土刺河藝長答里巴馬哈木太平把禿孛羅不度智能掃境而來兵刃纔交如摧枯振朽殺其名王以下數千人斬馘無算餘眾宵遁遂班師而還歸至飲馬河和寧王阿魯台遣其酋長領眾詣軍門來朝推誠待納以安反側勞徠撫輯令回部落云云

二十年駕征阿魯台班師詔

詔曰往者阿魯台屢為瓦剌困逼妻子不保遂率其部落來歸朕特加優恤授以封爵令其仍居本土安生樂業永享太平豈意此類負德辜恩殺戮信使侵犯邊境朕躬率六師往討之以七月十四日師抵濶灤海之北阿魯台聞風震懼逃命遠遁躬追累日獲其謀者云阿魯台驚悸失措致病疴羸為天地神鬼所殛餘孽潰散朕乃勦捕其黨親率前鋒摧敗之直抵巢穴殺賊首數十人斬馘其餘黨無算獲其部落人口焚其車輛兵器盡收其馬匹牛羊綏撫降附振旅班師

二十二年頒北部悉平詔

詔畧曰比以北部殘孽辜恩負德梗化弗庭乃以今夏四月躬御六師往討師駐應昌探知大軍出塞即挾妻子遠竄山谷至冬雨雪連綿積深尋丈其牛羊驢馬亡斃殆盡種落叛散互相劫奪兵

正統三年賜都御史李儀巡撫勅諭

至答簡納木兒河窮搜極索直抵白邨山曠無人跡遂移師東行踰屈裂兒河復涉溥温河壽賊孽黨閱其巢穴悉已傾蕩耕牧之地盡為荒墟是用班師還京成祖三駕北征俱在本鎮塞外故紀之勅諭都察院右僉都御史李儀今命爾巡撫宣府整飭邊備訓練軍馬防禦賊寇城堡墩臺坍塌以時修治堅完官軍騎操馬匹責令餵養臆壯仍督理屯田糧草并預備倉糧不許官吏人等侵欺禁革管軍頭目科剋下人職官有犯輕則量情懲治重則送問刑衙門問理應奏請者叅奏處治若內外官員權勢人等有侵欺盜賣糧草及沮撓屯糧者指實奏聞一應軍務邊務須與鎮守總兵官計議而行分守叅將遊擊守備等官俱聽節制凡有益於邊備有利於軍民者聽爾便宜處置此為設置巡撫之始後來代者其勅諭俱與此同

賜中軍都督府左都督朱謙鎮守勅諭

勅諭中軍都督府左都督朱謙今特命爾掛鎮朔
將軍印克總兵官鎮守宣府整飭兵備遇有賊寇
相機戰守凡一應軍機之事須與巡撫等官從長
計議停當而行毋得偏私執拗乖方悞事云云
先是總兵官事權太重不無偏任之失至是以巡
撫都御史叅贊故其勅諭比前少殊後來代任者
皆同此亦
得備錄

四年賜河南都司都指揮使林祥赴鎮備禦勅諭

勅河南都司都指揮使林祥今命爾管領本司所
屬衛所春班馬步官軍四千七十七員各前往宣
府聽總兵官朱謙等分撥備禦不許在途延緩及
下班回還取討衣鞋不許四散遠出其官軍內果
有老疾幼小逃故等項爾即親督各該衛所揀選
壯丁補足遵依原定日期管領赴京仍往宣府備

景泰元年賜邊臣撫練士卒勅諭

禦備有警急調川即便星馳前來往回途中經行
去處除關支糧草外不許縱容官軍倚恃勢力作
踐人田禾砍伐人樹木占宿人店舍多買人貨物
并拐帶人口奸淫婦女奪用車輛等項如犯者俱
治以重罪不饒 永樂間備禦本鎮歲遣河南山
東各官軍三千員各至是罷去山東備禦兵增河
南軍千餘春秋兩班輪流著為令甲其
勅諭秋班并後來代任者俱與此同

勅諭宣府等處鎮守總兵等官及各衛所城堡操
守管軍頭日務要撫卹軍士整備盛甲弓箭刀劍
等項軍器每二日統領聚於教場操習武藝巡撫
都御史巡按御史所至必須提督量加懲勸仍戒
所管官旗不許尅減糧餉私占軍餘耕種田土如
有此等悉從舉奏處治若知而不舉者並治以罪
五年賜左軍都督府都督僉事楊信充副總兵官鎮

守勅諭

勅諭左軍都督府都督僉事楊信今特命爾充副總兵官鎮守宣府凡有邊務須與鎮守掛印總兵及巡撫都御史等官計議而行務在同心協力以安邊境不許互相矛盾乖方悞事此為設置副總兵之始成化十三年以前稱鎮守以後稱協守勅詞前後並同

天順元年賜戶部郎中徐敬總理糧儲勅諭

宣府等處地方錢糧數多權豪勢要或包攬侵剋或通同官攢人等虛出盜賣以致邊儲虧折今特命爾前往彼處管理一應糧草兼管屯種嚴督各該管糧官員及軍民人等不許包攬侵盜在官錢糧及私役占用屯種軍丁違者聽爾量情處治應奏請叅奏來聞每歲引鹽并發銀糶買糧料須斟酌價值貴賤歲用多寡及地方緩急從公坐撥分派仍取各衛倉廩數目隨收隨盤以革奸弊凡一

應合在事宜悉與巡撫掛印總兵官商酌而行不許包攬侵剋事共腹裏地方如遇災傷糧草少收送到銀兩亦要公同巡按御史雜買以絕權豪包占遷延不納之弊前此部臣止因有警奉命來鎮督理糧餉事畢還京至是始專設一員三年方代著為令云

成化二年賜鎮巡官興營田勅諭

勅鎮守宣府總兵官都督同知顏彪巡撫左僉都御史葉盛近得爾等奏稱買補官牛撥軍耕種今年頗有收成就將餘糧買補官馬數多足見爾等用心邊備但此法行之既良固宜著立定規以為經久之計其見在官牛一千八百餘其仍令爾盛時常用心查點孳牧有虧損者設法補足務要不失原數每年耕種所收餘糧會計見數另項收貯行移戶部原差監督糧料官員知數收支明白止許以為買補馬匹置辦軍裝等項公用不許官豪勢要之家將官田官牛借貸占用此法永為定例

以後總兵叅將等官不許假公
循私因而阻壞違者罪之故勅

三年賜都指揮使許寧充遊擊將軍勅諭

勅諭都指揮使許寧今命爾充遊擊將軍統領原
選官軍三千員各整點馬匹器械齊備就於宣府
地方用心操練遇有賊寇侵犯即便統領官軍往
來截殺以靖地方如有報到緊急賊情爾須星馳
前去策應併力進勦不許畏縮推避致貽邊患凡
戰守機宜仍聽彼處鎮守總兵巡撫等官節制
是年始置遊擊將軍其勅諭凡後之
代任者俱同此今稱曰舊遊兵營云

十五年賜太子太師保國公朱永總督軍務勅諭

勅諭太子太師保國公朱永邇者邊臣奏稱北
入寇雖已暫回不可不嚴加提備但宣大偏保一
帶地方寫遠各鎮兵馬權無統一倉卒調遣未免
彼此推調致悞事機特命爾永同太子太師保國

尚書王越總督宣大偏保等處軍務在於邊
要地方駐劄經畧各該鎮巡以下官員悉聽節
官軍臨陣不用命者自都指揮而下許以軍法從
事地方事情有應與越等各該鎮巡官計議者從
長計議而行其一切兵馬用度錢糧並命爾總理
督令管糧郎中等官盡心調度軍衛有司官員有
犯應拏問者就便拿問依律處治勅內該載未盡
者悉聽爾便宜區處此並用文武大臣總督軍
務之始後至二十年始專用文臣有
警則出無警則還其勅諭不得備載

宏治三年令總兵官右都督馬儀巡撫都御史楊謚

正焚荒勅諭

勅鎮守宣府等處右軍都督府右都督馬儀巡撫
宣府等處都察院左僉都御史楊謚即日秋深草
木枯稿正當燒荒以便瞭望勅至爾等須公同計
議各屬統領精壯慣戰官軍各照地方分投布列

營陣且哨且行出於境外或二三百里或四五百里務將野草林木焚燒盡絕使賊馬不得久牧事畢仍將撥過官軍姓名并燒過地方里數造冊奏繳此勅命焚荒之始

五年賜山西按察司僉事趙縉分巡口北勅諭

勅諭山西按察司管屯僉事趙縉宣府所屬地方倉塲政務繁冗奸弊多端近該鎮巡等官奏請設官整理特命爾前往彼處專督一應糧草并稽考各該衛所月糧布花馬匹草料及馬價錢鈔均徭賦罰預備等項錢糧或遇開中引鹽并發銀糴買糧料邊墻墩臺城堡壕塹遇有應該修築剝削挑濬壘砌等役與鎮巡等官規畫措置以時用工地方軍民詞訟應理即為理受所屬官吏人等敢有故違禁約徇私作弊者輕則量情懲治重則應拿問者拿問如律應奏請者叅奏來聞仍聽鎮巡官委任不許偏執違悞此設置分巡按察僉事之始後來勅諭與此同

正德四年賜都指揮僉事李興充遊擊將軍勅諭

勅諭都指揮僉事李興茲特命爾克遊擊將軍統領官軍三千員各整點馬匹器械齊備就於宣府地方用心操練分路按伏遇有賊寇侵犯即便往來截殺以靖地方或有報到緊急賊情別項調遣爾須星馳策應併力進勦不許畏縮推避致貽邊患凡戰守機宜仍聽彼處鎮守總兵巡撫等官節制此為增置新遊兵營之始後來代者其勅諭同此

嘉靖十八年賜山西布政司右叅議劉珂分守口北

勅諭

勅諭山西布政司右叅議劉珂近該行邊兵部尚書翟鑾奏稱宣府地方軍馬錢糧數多詞訟浩繁並有分巡官一員管理不周乞要照遼東甘肅事體添設分守官一員已允所請今特命爾前去彼處

地方分守撫安人民督徵各項錢糧兼理軍民詞訟在於宣府鎮城住劄每年分定分守官上半年分巡官下半年各出巡徧歷城堡譏察倉庫錢糧多寡禁革一應奸弊詢訪各官賢否出巡回日將行過事蹟開送撫按官處以憑奏報所屬地方官員軍民人等敢有故違禁約徇私作弊者輕則量情責罰重則拿問如律應奏請者參奏來聞仍聽鎮巡官節制

宣化縣志卷之四

詔命志 下

三十一年賜兵部左侍郎翟鵬總督軍務勅諭

勅諭兵部左侍郎兼都察院左僉都御史翟鵬特命爾總督宣大偏保等處軍務在於邊中緊要地方駐劄經畧一應邊務遇警隨宜往來調度各鎮將官相機戰守各該鎮巡以下官員悉聽節制官軍臨陣不用命者自都指揮而下許以軍法從事

地方事情有應與各該鎮巡官計議者從長計議而行先發去銀兩專為主客兵馬之用併命爾總理其事爾宜督令管糧郎中等官盡心調度整理軍衛有司官員有犯應拏問者就便拏問依律處治勅內該載未盡者悉聽爾便宜區處此為專設文臣總督軍務之始邊鎮連年兵患不息故

白鵬後皆令久駐地方經理如有遷擢必得代乃

去鵬後任事者其勅諭與前畧同後俱倣此嘉
靖三十年析保定屬薊遼總督而總督西北者改
稱總督宣
大山山西云

四十年賜山西按察僉事孟官專理屯政勅諭

勅山西按察司僉事孟官近該巡按監察御史奏
稱宣大二鎮屯政久弛必須專官管理庶有責成
今特命爾前去專理宣大二鎮屯政在于適中住
劄爾宜查照該部題准事理督同各路通判守操
掌印管屯等官專意整理兩鎮屯田每歲巡歷一
週凡有應行事件悉聽爾便宜處置如非屯政事
情不得干預有曠本務總督撫按衙門亦不許別
項委用此為專設屯政僉憲之始後代任者勅
諭同此

三 清世祖章皇帝順治元年九月初三日攝政王勅諭

論權署總兵官王應暉知道聞賊黨盤踞太原
起大兵殲滅流氛救民塗炭以安天下十王統領
前營兵將定于本月十一日起行爾宜謹守宣府
城池選撥慣戰副將等官帶領驍健士卒臚壯馬
匹前赴代州等候前營大兵到時聽十王號令其
宣大等處口外蒙古等兵亦奉調會合十王大兵
從宣府地方經過傳與人民毋致驚恐務要明白
曉諭仍選調知路鄉導官丁引蒙古兵至代州不
許遲延有悞軍机續後六帥征討
由潼關固關等處分道並進特諭

十一年十一月十六日頒至却中外稱聖詔

朕恭膺天命繼承祖宗鴻緒統御十有一年
兢兢業業日務圖治而治効未臻日務安民而民
生未遂疆圉多故徵調甚繁水旱頻仍流離載道
中外之欺朦成習朝廷之膏澤弗宣法敝民窮
和召戾天心未格地震屢聞皆朕不德之所致
也朕以渺躬托于王公臣庶之上政教不脩救正

無術一夫不獲咎在朕躬而內外章奏文移動輒稱聖是重朕之不德也何以自安從今以後朕痛加脩省一意安民大小臣工各宜洗心改行恪修職業助朕挽回災變保乂黎元凡章奏文移俱不得稱聖以昭朕乾惕至意布告中外咸使聞知

十三年頒至申飭巡方勅

國家設立巡方御史原爲察吏安民之本首在懲貪必按臣先能以廉持已奉公守法然後有司有所畏懼不敢貪婪害民乃初遣顧仁等巡方時會詔至太和殿面諭巡按已經止息因此官關係甚重吏治貪廉民生利病皆由此上達故遣爾等往巡直省地方朕卽倚爲耳目手足爾等當體朕意潔已整屬奠安民生若不法受賄負朕委任不拘常律但得銀一錢一兩者定律處死又召至左翼門再加申諭往開巡按官初至地方亦能虛博廉名及至差滿回日多貪取賍物爾等若蹈此弊

初至廉聲俱置不問必照貪例處分朕屬望如此殷切戒諭如此嚴明卽當洗滌肺腸痛除積弊乃顧仁輒敢背旨壞法收蠹納賄朕親行審鞫情真罪著已經正法訖合通行天下嚴加禁飭以後各巡方御史及巡鹽巡漕巡倉巡視茶馬各御史有這等違法受賄犯賍卽行處斬定不寬宥爾等卽行傳知特諭是時巡按宣大御史亦咸在申勅之中故錄

十七年頒至捐脩明愍帝陵勅

朕惟膺圖承祚統紹百王而創法宏模情殷勝國歷觀史冊興亡之迹考其治亂得失之由僉以政荒遂干天譴邦國旣隳士民罔懷惟有明莊烈愍皇帝實治理之究圖惜贊襄之莫逮以致寇氛犯闕宗廟惟墟追念喪師匪因失德朕每念及此未嘗不惻焉傷心也頃者兩幸昌平周視明代陵隧躬親盥奠俯仰徘徊以彼諸陵規制咸壯麗相因獨愍帝之陵荒涼卑隘典物未昭原彼當年孜孜

求治宵旰不遑祇以有君無臣薄海鼎沸泊乎國步傾危身殉社稷揆諸正終之例豈同亾國之君朕于堯弔之餘撫往興悲不禁流涕因欲繕治陵寢丹堊几楹慰靈爽于九原彰異數于奕禩迺核少府金錢悉皆小民正供倘增工徒之費殊乖賦式之經然終不忍聽其闕畧用是布告方州開導忱悃交相諭助聿新龔爨以肅松楸

今上康熙三年賜分守口北道兼整飭懷隆等處勅

勅口北道方端士茲命爾分守口北道事務駐劄宣府鎮城管轄西南下北路四廳萬全都司六衛及裁併懷隆道所屬東路上北二廳延保二州四衛地方其衛所經管錢穀各官仍照舊聽爾統轄首在撫綏黎民勤宣德意約束衙門官吏胥役使之恪遵法紀無致作弊生事擾害官民監司本源既正方可表率屬員用循職業宜加意脩濬城池積聚糧餉捕緝盜賊稽查逃人仍誠諭有司簡訟

清刑潔已愛民生聚教訓共圖保障凡係流移人戶須設法招徠各復本業不許奸人借端詐害如大兵征討經由地方糧草舟車皆當通融預備以待臨時支給事竣報核毋容有司朦朧橫派重困小民所屬官員有貪殘溺職者轉報該督撫參處爾仍聽督撫節制年終將行過事蹟開送該撫咨稱察考爾受茲委任須持廉秉公殫心竭力使小民樂業斯稱厥職如或貪黷乖張因循怠忽貽誤地方責有攸歸爾其慎之故勅 此兼整飭懷隆道之勅也先是分守口北分巡赤城整飭懷隆三道各有專勅不具載

七年頒至傳令內外大小文武各官確陳民生利病

論

上諭諭吏部等大小各衙門民為邦本必使家給人足安生樂業始可以稱太平之治今聞直隸各

省人民多有失所疾困窮甚深可軫念或係官吏貪酷朘削生民或係法制未便致民失業今當何如而後始得遂其生計凡一切關係民生利病應行應革事宜着內外各衙門大小文武等官各行確見陳奏勿隱以憑採擇施行但不許以浮泛虛文及無益于民之事借端塞責具奏着吏兵二部傳諭遵行特諭

停止口外巡幸論

上諭論吏兵二部朕頃以秋冬農隙講武之時欲一往邊外閱視不久即還今覽諸臣前後各奏稱今歲災變甚多不宜出邊外致兵民困苦朕念諸臣抒陳忠悃直言進諫深為可嘉已允諸臣所請停止邊外之行以後國家重大緊要事情如有未當者務抒所見直陳朕不憚更改爾二部即傳諭遵行特諭

九年賜鎮守宣府總兵兼轄昌平石匣等處勅

勅諭都督僉事拜音達禮茲特命爾充鎮守宣府等處總兵官駐劄宣府該管汛地并新歸昌平石匣各營大小將領及守禦等官俱照題定經制事例管轄爾須操練兵馬振揚威武申明紀律撫恤士卒嚴明斥堠防遏奸宄脩濬城池繕治器械相度地勢險易控制要害處所責成該汛弁兵力圖保障各營額兵務選補精強毋容積猾老弱糜餉一應本折糧餉聽該管衙門給發所部兵丁必須嚴加鈴束秋毫無犯使兵民相安不得借打草放馬為名戮力勦捕不得觀望致悞軍機倘賊勢重大即發兵分勦務盡根株勿使滋蔓本省鄰壤有警星馳赴援不得自分彼此失悞機宜如有賊眾投誠察其真心向化即與安插如招撫事體重大奏請定奪所屬副將以下聽爾節制干把總以下如有臨陣退縮殺良冒功乘機搶掠侵餉肥己者以軍法從事勅中開載未盡事宜參酌施行

應錢糧詞訟民事俱係有司職掌不得干預文官
 遲悞糧餉及匿賊不報者爾移會巡撫指叅從重
 治罪爾受茲委任須持廉秉公殫力奮勇殲寇固
 圍斯稱厥職如貪黷乖張因循怠忽縱寇殃民貽
 悞封疆國憲具存爾其慎之故勅

十月頒至尚德緩刑諭

上諭禮部朕惟至治之世不專以法令為務而以
 教化為先其時人心醇良風俗樸厚刑措不用比
 屋可封長治久安茂登上理蓋法令禁于一時而
 教化維于可久若徒恃法令而教化不先是舍本
 而務末也近見風俗日敝人心不古嵩陵成習僭
 亂多端徂詐之術日工獄訟之興靡已或豪富凌
 轢孤寒或劣紳武斷鄉曲或惡衿出入衙署或蠹
 棍詐害善良萑苻之劫掠時聞仇忿之殺傷叠見
 陷罹法網刑所必加誅之則無知可憫宥之則憲
 典難寬今茲刑辟之日繁良山化導之未善朕今

欲法古帝王尚德緩刑化民成俗舉凡敦孝弟以
 重人倫篤宗族以昭雍睦和鄉黨以息爭訟重農
 桑以足衣食尚節儉以惜財用隆學校以端士習
 詘異端以崇正學講法律以警愚頑明禮讓以厚
 風俗務本業以定民志訓子弟以禁非為息誣告
 以全良善戒窩逃以免株連完錢糧以省催科聯
 保甲以弭盜賊解讐忿以重身命等項作何訓迪
 及作何責成內外文武該管各官督率舉行爾部
 詳察典制定議具奏特諭

十一年頒至酌定官人等服色之制諭

禮部題為欽奉 上諭事該臣等公會議得官
 穿用若奢侈違其本分不肖者廢產過費所以不
 足以致紊亂相應定例永為遵行並將順治九年
 定例一併酌定云云內開欵曰甚多不能盡載大
 約官自五品以下不得用蟒緞粧緞貂皮狍喇猴
 及金花緞白豹皮其貂皮止許作帽圍領軍民

及辦事人等並書辦外郎家僕止許穿紡絲絹綿
 紬繭紬褐屯絹葛布毛青三梭布夏布狼狐貉羊
 沙狐等皮庶民不許用貂皮並不許穿狐欣沙
 狐欣及一應緞皮紗羅緞靴靴上不鑲綠斜皮帽
 止許用染黃鼠及狐貉沙狐等皮如
 違分穿用者官民人等處分各有差

十七年頒至薦舉學行兼優文詞卓越之人以備親

試錄用諭

上諭吏部自古一代之興必有博學鴻儒振起文
 運闡發經史潤色詞章以備顧問著作之選朕萬
 幾暇時遊心文翰思得博洽之士用資典學我朝
 定鼎以來崇儒重道作養人才四海之廣豈無奇
 才碩彥學問淵通文藻瑰麗可以追踪前喆者凡
 有學行兼優文詞卓越之人不論已未出仕者在
 京三品以上及科道官員在督撫布按各舉所知
 朕將親試錄用其餘內外各官果有真知確見在

內開送吏部在外幫報于該督撫代為題
 虛公延訪期得真才以副朕求賢右文之意爾部
 即通行傳諭遵行特諭時直撫欽奉上諭行
 文至宣府前衛守備姜際龍以并無學行兼優文
 詞卓越之人移復在城同知鄭潤中轉報口北道
 李如桂矣先是十五年戶部左侍郎魏公象樞薦
 舉軍前堪用人才于吾宣則以原任江南常熟縣
 知縣魏允升應詔嗣又疏薦堪任要地道臣其
 一乃原任陝西河西道叅議王天鑑亦宣人也皆
 奉有俞旨至魏常熟雖已物故而王叅議尚在
 竟以并無二字塞責豈于虛公
 延訪之上諭全未着日耶

二十年蠲免饑荒地地方各項正賦并歷年拖欠錢糧

諭

上諭戶部前因大同等處地方自去歲饑荒百姓
 無食流離失所已經發銀二十萬兩遣官賑濟又

將應征房稅悉與豁除務期小民家室復完不失故業今復差官各處察看閭閻尚多逃亡田土仍然荒棄耕種無資衣食奚賴朕心深為惻憫所有本年應征地丁各項正賦并歷年帶征拖欠錢糧盡行蠲免但小民困苦已極猶恐無濟目前此外有何應行事宜可以速拯災黎俾得存活者爾部即行詳議具奏以副朕軫恤百姓至意特諭 欽此奉 諭宣鎮饑荒地方被蠲免者共七處前衛深井堡左衛懷安衛東西二城蔚州衛

春正月免徵宣府前衛等五處併東西二城房稅論

上諭戶部宣府大原大同等處被災民苦所征房稅銀兩應免該部議奏

夏六月發京倉米運至宣府論

上諭近邊不可無米關係甚是緊要理應將米運至大同宣府相距京城道路寫遠所需脚價繁多

停其運至大同將在京老米二十萬石運至宣府存倉備防若大同需米晉省撥夫自宣府運至大同不致有誤

二十一年命大臣巡察直隸及宣府等處地方勅

上勅諭刑部尚書魏象樞吏部左侍郎管右侍郎事科爾坤茲以直隸畿輔重地王化攸先欲又安民生必剔除奸惡順天入府所屬州縣併宣府各衛所地方密邇京師屯民雜處有紳衿勢要豪強及旗下克惡人員併庄頭等縱暴恣行武斷鄉曲有司畏威而不敢問大吏徇隱而不能糾非端遣大臣巡察無以禁暴懲奸振飭綱紀祛除積弊特命爾等前往會同該撫巡歷地方親行咨訪凡有勢要豪強旗人庄頭干冒法網大為民害者廉訪得實指名題參盡法處治地方官員胥役有大貪大惡事蹟并據實糾劾其無藉遊棍借端生事詐害官民即行嚴拿懲究毋止憑開報徒襲具文

毋寬縱巨奸苛摘細故勅中開載未盡事宜爾等
奏請施行爾等受茲委任須持廉秉公嚴絕情面
盡破積習不畏強禦不受請托務俾民隱得伸奸
頑斂戢始為克盡厥職如或玩忽從事致負任使
責有攸歸爾等其慎之故勅

二十四年奉 上蠲免地丁錢糧十分之三及二十

三年未完錢糧盡與豁除諭

上諭戶部朕撫馭方夏愛養黎元早作夜思勤求
治理閭閻疾苦無時不深軫念欲使民生樂業比
屋豐盈惟當責已蠲租萬姓得沾實惠直隸地方
頻遇旱災小民匱乏宜加恩恤順永保河等處
佔地方應征康熙二十一年地丁錢糧已經詔行
蠲免所有直隸八府二十三年未完地丁錢糧盡
與豁除其順永保河未經開佔地方及真順廣大
等處應征地丁各項正賦俱着免三分之一爾部

速行該地方官通行曉諭務使人人得被膏澤以
付朕勤恤民隱至意如有不肖有司借端朦混私
行重徵者或經叅奏或被被告發定即遵諭行特諭

二十五年四月差戶部司官來查丈民間房基

此保安庄頭投報奉旨不必差包衣官員恐其
護庇庄頭徑交戶部差官員查明若不查明或被
告發決不輕恕欽此隨差郎中庸愛員外郎穆哈
前去會同口北道帶領地方官查丈取結報部遂
同口北道王鶴同知汪宗豫守備張釗將宣城內
鄉紳生監兵民人等所住房屋前後兩傍及寺廟
前後兩傍小園畦盡行查明其地四百二十六响
隨問紳衿劉宗堯馬瑞麟謝以涵軍民人等俱稱
俱係我等祖房年久倒壞不能重修開種養生據
清報部議此項園地應由原主耕種可也
二十五年五月十九日奉旨依議到部轉行口
北道遵照出示曉諭有口北道看語附藝文志

二十六年奉 上蠲免順永等府及宣鎮錢糧諭

上諭戶部直隸畿輔重地王化所先火沖恩膏用培邦本而順永保河四府地方人民較之畿南差役倍多繁苦故將康熙二十六年地丁各項錢糧同湖南福建四川四省錢糧盡與豁免

二十八年秋七月差賢能司官同直隸巡撫來察旱

荒併議賑救之法諭

上諭戶部今歲天氣亢暘雨澤鮮少畿輔地方雖不時間有得雨然或甘澍未敷或播種已後收穫失望窮民閱歷冬春難保必無艱食用是朕衷預為軫念加殷着差爾部賢能司官會同該撫于州縣等處遍行親歷詳加察勘其有果係禱災者作何贍救使不罹患害着一併確議具奏特諭

九月奉 上二十八年未經徵完及二十九年上半

年錢糧盡行蠲免諭

四 上諭戶部朕勤求治理篤念民依欲使婦孺無用是頻蠲租賦至于時值荒歉倍切焦思賑贍之恩尤宜亟沛今歲畿輔亢暘為虐播種愆期年穀不登小民艱食旱災情形朕所親見夙夜殷勞軫念已久顧此熒熒之民糊口尚不能給若更責以輸賦必致流移失散直隸被災州縣衛所有本年各項地丁錢糧除已徵在官外其餘未經征收及康熙二十九年上半年錢糧盡行蠲免爾部速行該撫通行曉諭務使均沾實惠以副朕拯恤窮黎至意如民人仍致流散或不肖官役朦混侵蝕及仍行私征者將該撫一併嚴加處分爾部即遵諭行特諭

三十四年十一月內免徵宣化本年被災等處錢糧

及三十五年錢糧諭

上諭戶部宣化府屬地土瘠薄秋禾被災今年除
已完納外未完納者俱免徵其三十五年錢糧仍
照順天等四府通行蠲免

三十五年九月內全豁宣化三十六年銀米諭

三十五年九月二十三日奉
上諭諭戶部宣化府錢糧前已屢經蠲免但比年以來所屬各州縣收養軍前需用馬匹又大兵絡繹往來雖各有支給經費而供億甚繁殊勞民力朕新幸經臨深切軫念着將三十六年宣化府屬地丁銀米全與蠲豁仍行文該撫俾民間均沾實惠以副朕寬恤黎元之意爾部即遵諭行特諭

四十一年三月內查核倉儲並摺奏雨澤預防蝗蝻

諭

上諭戶部着直省查核倉儲以備賑濟並雨澤有無多少其摺奏聞且恐蝗蝻易生所在官吏宜各預防

四十二年三月十八日頒賜淮黃告成親閱回鑾大沛宏恩詔

沛宏恩詔

詔曰朕為天下圖治凡國家之休戚閭閻之樂利勤勞勵精注意于此天下之大兆民之衆誰欺欺天乎至今歷飢饉者不知其幾南北用兵者不知其幾人心向背幾天變地震者不知其幾惟守仰賴上天眷佑祖宗撫育生創業未久之際方免墜失今海宇昇平

厚德幸和生民俱已樂業邇來諸王大臣士庶因年歲稍與情肫切屢請加上尊號朕堅意固辭朕五旬請蓋朕不以名譽稱揚為尚惟以海內富不允所

庶為心是以屢蠲賦役頻省刑罰總欲使老安少
 懷風俗醇厚漸幾于康又隆平之治近因准黃告
 成乃東南要務再授方畧望其善後朕不辭勞瘁
 親往閱視見畿輔山左江浙等省耆老人民俱忠
 心愛戴雖童穉亦咸歡欣瞻仰是知民心皆一益
 深軫念視切如傷所以星夜回鑾茲特大沛宏
 恩普施遐邇庶凡民生咸登壽域和協徧滿寰區
 所有應行事例開列于後嗚乎安民則惠益宏遠
 下之恩御眾以寬聿沛好生之德布告天下咸使
 聞知康熙拾二年四月二十二日為 欽奉 恩
 詔事恭奉 詔內一軍民年七十以上者許一丁
 侍養免其雜差泛役八十以上者給與絹一疋綿
 一觔米一石肉一觔九十以上者倍之至百歲
 者題名給與建坊銀兩欽此務使均沾實惠

四十四年頒鎮守宣化府等處總兵官勅

勅諭副將康泰茲 特命爾充鎮守宣化府等處
 總兵官駐劄宣化府該管張家口張家口路萬全

營膳房堡新河口堡萬全左衛城柴溝堡洗馬林
 堡西陽河堡懷安城蔚州路西城東城廣昌城獨
 石路雲州堡赤城鎮安堡龍門所城滴水崖龍門
 路葛峪堡長安嶺堡懷來路礮山堡懷來城周四
 溝堡靖安堡四海冶堡等各營汛大小將領及守
 禦等官俱照題定經制事例管轄爾須操練兵馬
 振揚威武申明紀律撫恤士卒嚴明斥堠防遏奸
 宄修濬城池繕治器械度地勢險易控要害處所
 責成該汛弁兵力圖保障各營額兵務選補精強
 毋容積猾老弱糜餉一應本折糧餉聽該管衙門
 給發所部兵丁必須嚴加鈴束秋毫無犯使兵民
 相安不得借打草放馬為名騷擾農業如遇寇警
 卽統兵戮力勦捕不得觀望致悞軍機倘賊勢重
 大會同巡撫發兵合勦務盡根株毋使滋蔓本省
 隣壤有警星馳赴援不得自分彼此失悞機宜如
 有賊眾投誠察其真心向化卽與安插如招撫事
 體重大會同巡撫奏請定奪所屬副將以下聽爾
 節制千把總以下如有臨陣退縮殺良冒功乘此

搶掠侵餉肥已者會同巡撫以軍法從事勅中開載未盡事宜會同巡撫參酌施行一應錢糧詞訟民事俱係有司職掌不得干預文官遲悞糧餉及隱匿賦情不報者爾移會巡撫指參從重治罪爾定受茲委任須持廉秉公殫力奮勇嚴寇固圉斯稱厥職如或貪黷乖張因循怠忽縱寇殃民貽悞封疆國憲具存爾其慎之故論

侵官之與曠職自古交譏乃今之專闖者竟莫之省凡職所當為者多諉之以自卸所不當為者又越俎以攬權若城池若民事是矣伏讀勅諭開載其奉麻以從事者近來僅見尚帥一人耳所以宣民至今感之

四十五年 月內豁免四十二三兩年未完逋賦論

上諭戶部朕宵旰圖維勤求民隱每欲敷蠲貸之恩以為開闢留有餘之力直隸山東地方四十二

年偶遇災沴因特免山東四十三四兩年額賦並四十四年以前積欠錢糧直隸則順天河間兩府舒而所有宿逋尚應輸納朕念黎元方有起色辦賦猶難一時新舊並征勢難兼應宜更加寬恤以宏休養直隸自康熙四十一年至四十四年各府屬未完民欠銀八萬二千七百兩有奇糧五千九百石有奇山東省四十二年各府屬未完民欠銀一百六十九萬一千七百兩有奇糧五千九百石有奇或現在征取或分年帶征俱着通行蠲免俾小民悉除逋負之累倘有現完在官者即准抵本年正賦論旨到日速行徧曉諭有司溷征不與開除明白者叅劾嚴加治罪特諭

論曰古聖人垂裳端拱與吏民形隔不啻萬里而遙乃綸綍所昭天顏咫尺或則僉謀未協經年難決

宣化縣志卷之五
者一語煌煌奉爲科律或則強臣悍將跋扈遐方
忽天使捧尺一詔威靈赫濯咸懾息無敢譁至堦
尺寸土傳之子孫拜一命之榮身名俱顯者恩錫
光如日月他若君咨臣儆堂陛之上軫恤窮簷或
沛蠲賑力甦民命恩云渥矣典云重矣嗚乎渙號
靈敷遐邇歡呼孰謂木鳳不可輕銜回鑾遂爾難
邀耶

宣化縣志卷之五

巡幸志

虞夏以來恐列侯曠厥戢守爰爲巡狩恐民隱壅
於上聞爰有省方不敢細旃廣廈徒事宴安而已
乃若宣居邊徼其歷來上厯宸憂仰煩御蹕者又
以六師之張皇而關外攘之大計故翠華臨幸振
古已多非可以盤遊畧之爲作巡幸志

黃帝有熊氏在涿鹿葷粥入寇自將逐出之

時帝巡幸至涿鹿值葷粥來故自將逐之後又幸
釜山合諸侯符乃定都涿鹿按涿鹿山卽今保安

宣化縣志 卷之五 巡幸志
州境其自將遂寇當
在宣境故首及之

虞帝舜以歲八月北狩

漢皇甫謐謂舜都潘即上谷地有遺跡司馬遷張守節亦言之蓋巡狩每至此尋黃帝舊政也要之都蒲坂為是茲以北狩載入者緣都潘則宜為畿內巡幸乃所必及尋黃帝舊政故來北狩則五載以為常制臨宣亦所必及也

秦始皇三十二年幸碣石因巡北邊從上郡入

幸碣石巡北邊則上谷當首至碣石路乃古道必經者

漢武帝元封元年駕征匈奴自遼西歷北邊祠黃帝

宣化橋山因出長城巡視迺歸甘泉

按橋山在今保安州境與鷄鳴山地接壤上有黃帝遺祠始皇祠之道經鷄鳴山地故紀之至秦時長城在合口外出長城亦道經宣邑地

章帝元和三年北巡狩出長城還省幽燕諸郡縣賜

從行者各有差

唐太宗貞觀二年駕征突厥過鷄鳴山

一統志云太宗北伐至此

山間鷄鳴故名

宋孝宗乾道二年金主雍幸歸化六年金主幸柳

河川在今縣城西

理宗景定二年元主忽必烈幸開平詔減免民差罷

守隘諸軍因幸宣德

度宗咸淳三年元主幸鷄鳴山將獵于渾河馬蹶御

宋史大夫脫脫諫止

明文皇帝永樂八年春駕幸宣府因出塞大敗本雅

失里阿魯台等衆于幹灘河北師次燕然山勒銘

乃還十二年春駕幸宣府因出塞擊馬哈

木及太平把禿孛羅等衆大敗之還勞將士

二十一年秋駕幸宣府因山寨官降魯阿失帖

木及古納台等師次土莊王子也先土千領衆歸

順乃封爲忠順王賜姓名全忠

章帝宣德五年冬駕巡邊至宣府還

九年秋駕再巡邊幸宣府

睿帝正統十四年秋駕幸宣府伐魯大將朱勇敗績

三師還土木本名統幕魯圍之遂奉帝北狩

景帝景泰元年秋帝至宣府因如京

敬帝宏治十五年魯寇宣府上謀幸宣伐之兵部尚

書劉大夏諫止

毅帝正德十二年八月駕出居庸幸宣府作行宮至

宣化縣志 卷之五 巡幸志 三
崇閏十二月還京終帝始罷
宣化縣志 卷之五 巡幸志 三

今上康熙七年冬上將幸口外允科臣疏仍諭停

止上諭吏兵二部欲于秋冬農隙講武之時一往邊外閱視吏部等衙門公題請回成命內秘書

監學士熊亦謀止俱有疏見藝文志

三十五年春上率諸王暨八旗官兵躬討噶尔旦

按喀尔喀外為臣服外藩與噶尔旦隣近連年構怨屢蒙詔旨諭和乃逆命不恭以致震怒出師

道經宣化故記宣化縣志

三十五年九月日駕由京幸口外次日駐下花

園諭免宣化一府錢糧以經臨供應故也次日駐宣化府文武紳士軍民耆老

接駕謝恩次日駐張家口命庄頭隨駕圍獵時

十二月日日駕回鑾次日駐張家口次日駐宣

化府次日駐保安州命庄頭隨駕圍獵時

九日起至十二月二十日止共催車六十輛每車費若

三十一年二月宣日日駕由京幸口外次日駐下花

園次日駐宣化府賜文武各官詩字扁額總兵日

知府日親民次日駐張家口口北道

五月十一日駕由張家口回鑾十二日駐宣化府

考射各官

革獨石叅將署摠兵印
朕以不善騎善故也

十三日駐下

花園

選識路人引
駕從小路回京

三十八年九月

日

駕由殺虎口回鑾次日駐左

衛駟次日駐宣化府次日駐下花園

三十九年五月

皇妃阿哥由京出口二十三日駐

鷄鳴駟二十四日駐宣化府

六月二十日駕幸口外次日駐下花園次日宣

化府次日駐張家口 秋由古北口回鑾

四十年六月 駕由京幸口外初四日駐下花園初

五日駐宣化府初六日駐張家口

九月由密雲

縣回

五月內頭等待衛海青等傳交沿途搭蓋蓆
棚呈樣御覽奉 旨交與工部其需用松篙

柴木蓆竿繩筋等項着駟車運送工部及內務府
傳沿途每宿車九十輛每中伙車十四輛共每站

車一百零四輛宣邑約費二千餘金
餘修理橋梁道路及炭柴等項若干

四十四年九月初八日

駕由口外入張家口初九

日駐宣化府次日駐下花園

按七月十二日
在口外 諭噶渣尔

氣總領達佳等哨鹿完從張家口回宣邑修理橋
梁道路并一應襍項諸費知縣陳坦那墊後詳請

給發守道准給公捐銀五百兩幸
蒙 上恩車輛盡免猶覺少寬云

皇上宸聽極聰納如響應尤堪為萬世都俞之準也夫
象緯志

周保章氏以星主辨九州之地所封封域各有分
星蓋陰陽之精其本在地上發於天天地之氣上
下貫通理固然也宣為燕郡象緯有屬凡日月之
薄蝕風雷之迅烈星辰之合散犯守陵歷鬪食皆
元穹示象禍福攸關占步最宜加謹也為作象緯
志

天文分野

漢史記尾箕幽州

張守節曰尾箕為析木之津燕分
野然順天河間占尾箕宣上尾

漢志燕地尾箕分

晉志自尾十度至斗廿一度為析木

金史尾三度九十七分九十二秒外燕分

明一統志尾分野

查尾十八度去極一百二十度


尾於辰在寅

尾於州為幽

尾於朝廷主后宮

占多主魯主兵

尾宿圖 附雜座



隋丹元子步天歌

九星如勾蒼龍尾 尾下五星號龜星

尾上四橫天江是 尾東一星名傳說

傳說東畔一魚子 龜西一室是神宮

按步天歌尾及諸禱座之名與形已具在是至其

占法前志云日有災變以孟冬月占月有災變以

孟夏月占茲果何據哉攷之月令云孟冬之月日

在尾故十月朔日食則占主尾分孟夏之月日在

畢夫日在畢則月在尾故四月望日食亦占在尾

也 夫日食畢則民去其地四民望日食衣古亦

變占 前志甚繁今採其有 占主氣食孟夏之民日食

周惠王九年冬十二月癸亥朔日食在尾 冬之民日

占燕分 有兵 志云日食災變以孟冬之民占日食災變以

敬王九年冬十二月辛亥朔日食在尾 亦其至其

占者以吳入郢弗 克為應失之矣

漢光武建武六年秋九月丙寅晦日食史官不見郡

以聞在尾八度

朱浮疏以郡縣數 易羣物騷動所致

十二年六月戊寅晨小流星百數四面行

小星庶民象也流星移徙象也後以蒙古 侵亂移上谷吏民於居庸關東是其應乎

明帝永平十三年冬十月甲辰晦日食在尾十七度

京房占曰 王后壽命 絕 後止 谷有大水

順帝永和六年秋九月辛亥朔日食在尾十一度

占者謂應 在後宮 為繼嗣不興之象

獻帝初平三年冬十月丁亥日有重兩倍

占日凶 在燕代

建安十二年冬十月癸未朔日食在尾

占曰仁義不明主兵

後主延熙三年

魏正始元年

冬十月乙酉彗星見西方在

尾長二丈拂牽牛犯太白日食重兩分

占主兵喪

晉惠帝永康元年冬十月乙未日闇黃霧四塞

占其下當有拔城是後晉亂

元帝永昌元年

後趙四年

冬十月辛卯日中有黑子

占主兵時帝虧傷君道

穆帝永和十年

燕元璽三年

冬十月庚辰日中有黑子大

如鷄卵

占為天子幼弱之不親政之應

永和十二年

燕元璽五年

冬十月癸巳朔日食在尾

時姚襄苻生互相吞噬應之

升平三年

燕光壽三年

冬十月丙午日中有黑子大如鷄

卵

占為國喪

孝武帝太元十八年

燕建興八年

春二月客星在尾中至

九月乃滅

占曰地有喪兵
後慕容垂應之

十九年

燕建興九年

夏四月月掩歲星在尾

占曰大饑
燕國云

陳宣帝太建五年

周建德二年

冬十月壬子太白掩鎮星

代在尾

鎮星為女
應在後宮

唐太宗貞觀初突厥有五
日並照

又有三月並照時邊土多為突厥
所陷太宗占此以為當亡遂破之

元宗天寶九年秋八月五星聚于尾箕熒惑先至而

又先去

占曰有德則
慶無德則殃

穆宗長慶元年春二月丁亥羽犯歲星在尾

占大臣
死燕分

僖宗光啓二年夏五月丙戌有星孛于尾箕歷北斗

揖提

占貴
臣誅

周太祖廣順元年

契丹應
歷四季

冬十一月辰星合宿于尾

占其地合有變
兼主饑饉疾疫

宋真宗景德三年

契丹統和二十四年

秋九月戊子太白見西

方在尾

占有燕兵

英宗治平元年

契丹清寧十年

夏四月庚辰月食于尾冬

十一月庚午水犯金在尾

十六度

占曰星辰與太白合為陰謀為兵憂在燕趙分

神宗熙寧八年

契丹太康元年

夏五月壬戌有星出尾東

如太白西南速行至濁没赤黃有尾跡

占有兵喪

元豐四年

契丹太康七年

夏四月辛未月食于尾

占後宮災

哲宗元祐七年

契丹太安八年

春二月有星出心東如太

白急流至尾南没青白有尾跡明燭地

占曰心為天王位王者惡之

高宗紹興三十年

金正隆五年

冬十一月甲午西南方

白氣自尾宿歷壁婁昂宿止十二月戊申夜白氣

出尾宿歷心房亢角宿入天帝貫太微至狼位

止

占主兵次年
北亮大入寇

寧宗嘉泰三年

金泰和三年

夏六月乙亥東南有客星

出于尾宿青白色無芒彗大如填星甲子守尾

占曰
兵喪

元世祖至元二十四年冬十月戊午朔日食在尾

順帝至正二年冬十月庚午朔日食在尾十一月

辛卯歲星熒惑太白聚于尾

二十六年秋九月辛丑有星孛于尾冬十一月丙

申太白歲星辰星聚于尾

二十七年夏四月戊子月食于尾

明太祖洪武十四年冬十月壬子朔日食在尾

太宗永樂五年冬十月辛巳朔日食在尾

六年冬十月乙亥朔日食在尾

十五年冬十月癸未朔日食在尾

仁宗洪熙元年冬十月丙寅朔日食在尾

英宗正統九年冬十月丙午朔日食在尾

孝宗宏治七年夏五月宣府晝星隕

世宗嘉靖八年冬十月朔日食在尾

穆宗隆慶三年彗星出尾分食并鼠

神宗萬歷四十四年秋七月宣府天鳴

熹宗天啓二年天鳴星隕

時蔚州有妖人侯德之變所隕星在理刑署庫形甚醜穢非石非鐵氣如硫磺叔之可重五鎰

愍宗崇禎十一年夏四月巳酉熒惑去月僅七八

寸至曉逆行八度隨夏五月丁卯夜熒惑退至尾

初度漸入心宿

順治

十四年冬十月辛巳日食并鼠

天王吳若星

外收正星

天人之測

康熙十五年冬彗星見西北五旬始散

二十四年夏五月十六日月食

二十五年閏四月十六日月食

三十月十五日食

二十七年夏四月朔日食既晝晦見星

三三月十六日月食九月十六日月食七分

三十年二月初一日朔日食十六日日食十分

三十一年正月初一日朔日食七分

三十三年五月十六日月食

三十六年閏三月朔日食既

四十三年五月十七日月食

論曰人事感應乎天象易云垂象而則吉凶觀文而察時變蓋天人之際者旨懸而理實常也歷觀往代如五星聚東井而沛公入秦四星聚牛女而晉元王吳彗星埽東井而苻堅亡秦景星見箕尾而慕容得復燕穹曜之昭不可勝紀修德禳災道無可忽明哲君子惟以儆惕者敬天而已

災祥志

聞之五緯觀天五材辯地五氣以徵人物故夏董欽向諸儒攷覈休咎繫驗得失說甚鑿鑿而班固亦祖述之義固有取也宜自三古以來災祥疊見省驗滋多惟念邊警之應戾氣最甚者莫如司馬晉氏因始自永熙爲作災祥志

晉惠帝永熙元年秋八月上谷地陷裂水泉湧出人

晉有死者大饑平越人民土谷此謂災水泉出山
元熙四年二月上谷地震八月復震水出殺百餘

人

孝武帝寧康二年秦建元十年蝗三古以來災祥

梁武帝天監三年魏正始元年夏五月魏武川隕霜

武川令
葛峪

普通三年魏神龜三年夏四月魏上谷郡大雨雪

唐元宗天寶十三年秋八月北燕地屢震

憲宗元和七年夏大雨無麥禾

宋真宗大中祥符五年契丹開泰元年冬十二月契丹奉聖

歸化州饑

五年金明昌五年夏金歸化奉聖等州大旱命侍臣禱

雨縉山

理宗景定二年元中統二年秋七月元宣德府隕霜

三年元中統三年秋八月元宣德龍門隕霜

元成宗元貞元年秋九月宣德大水

大德三年秋八月宣德雨雹

五年夏六月宣德奉聖大水

英宗至治二年冬十一月宣德地屢震

三年秋七月興和隕霜

文宗至順二年夏四月興和大雪

順帝至元元年秋八月宣德奉聖地大震

明高帝洪武三十二年秋八月地震

文皇永樂十五年秋大有年

十八年夏六月大水

二十年秋有年

宣宗宣德三年夏六月大水

四年春二月饑官賑之秋有年

英宗正統四年夏六月大水官賑之

十四年春正月地屢震

景帝景泰四年夏大旱

五年春正月積雪恒陰二月饑秋大有年

六年夏六月大水

英宗天順八年五月五日大風飄屋瓦拔木

憲宗成化六年夏六月大水次年春饑

十二年秋七月黑雉見

其物黑小金睛修尾體狀類犬行疾如風多自方
蹙入遇者輒昏迷驚擾或身面被傷人乃夜張
持刃防之

二十一年春正月星隕有聲秋八月大有年

孝宗宏治二年夏麥大熟

八年夏六月大旱饑

十八年春二月地震

武宗正德十五年秋九月地震

十六年大饑人相食

世宗嘉靖二年鎮城市樓災

三年夏四月地震

八年春二月鎮城御史行臺災辦事監生書

焚死一人

十年夏六月地震閏六月鎮城大水傷禾

十五年秋七月蝗

十八年秋七月鎮城大風拔木

十九年春三月大旱

二十四年春正月地震

二十七年秋有年

二十四年春三月大饑人相食詔發帑金賑之

三十八年春正月至夏五月不雨圩坊生甫大雨

乃盡死自是雨連百餘日廬垣多壞八月雨雹平

地深三尺禾稼一空大風拔木

神宗萬歷九年四月地震三次有聲

十一年疫民此災聞六月餘大木折木

十三年秋大水

十八年春鎮城大風拔木

二十九年夏隕霜

三十四年大有年

三十八年大疫

四十二年鷄鳴山崩

四十三年冬十一月地震有聲如雷

四十五年春三月鎮城大風晝晦如夜

四十六年秋九月地震

熹宗天啓四年有狼入鎮城

六年夏六月地大震其聲如雷

愍帝崇禎元年夏旱秋隕霜殺禾

二年大饑人相食 鎮城有狼

十二年春鎮城大風晝晦四月雪

十六年春疫 夏大旱 秋又大疫

皇清章皇帝順治元年九月大疫

四年秋七月飛蝗蔽天

八年宣府大雨雹

十四年九月地震

十六年春二月虎入鎮城 夏五月晦鎮城迅雷

風雨暴作逾時乃已大損禾拔木

十七年春正月地震三月不雨至夏五月冬燠

今上康熙元年春三月地震 夏五月大雨雹

人物多傷

三年春三月地震

七年三月至五月大旱 七月大雨七日夜城垣

房屋多壞

十一年七月朔鎮城大風拔木大雨雹水深數丈

禾稼大損

十三年六月初八日酉時鎮城西北風暴作黃沙

蔽日大雨雹秋大雨雹九月地震

十五年隕霜殺禾 地震

十六年鎮城深井等處有狼異傷人甚眾捕獲之

十八年夏大旱 七月地大震 八月屢震

十九年三月至六月大旱 秋饑

二十一年春正月鎮城火災燬一坊 夏五月屢

風霾

二十二年五月十三日大風晝晦數刻幾見星

閏六月真武廟泥神出水若汗 秋七月雨雹

二十四年有蛇見于普化寺中梁繩頭數日乃去

二十七年春正月隕星 九月地震

二十八年夏大旱 秋饑

二十九年春二月二十六日昧爽隕星 夏五月

深井堡雨雹無麥 疫

三十三年霜災

三十四年七月終旬大霜禾稼一空

三十五年春大饑 十一月地震

三十六年九月大雪凍壓壞樹

三十八年秋霜災

四十二年電災

四十四年二月二十九日大風黃沙蔽空

四十三年電災

四十六年三月二十七日大雪 縣火災屢見燬

民居數處

四十七年五月二十八二十九兩日大雨雹

論曰凡天地間花草可以染植增其態毛羽可以飼

喂變其色元狩之麟神爵之鳳可以力致紀其瑞

惟霜電風雷地震山崩之災雖有智者不可巧弭

術掩甚矣天道之示警良可畏也明哲君子謹視

履省誠偽母驕志于禎祥母玩心于乖沴則災可

轉祥而祥永無災矣否或忽不加察佚豫自安雖

彼蒼仁愛而挽回乏術則民物之奠安奚自哉

